

中州金石記



中州金石記

畢沅撰

編主五雲王

編初成集書叢

中 州 金 石 記

中華民國二十五年十二月初版

撰 者

畢

沅

發行人

王 雲 五
上海河南路

印刷所

商 務 印 書 館
上海河南路

發行所

商 務 印 書 館
上海及各埠

祥

叢書集成

初編

主編者
王雲五

商務印書館發行

中州金石記

本館據經訓堂叢
書本排印初編各
叢書僅有此本

中州金石記卷一

漢

清畢沅撰

嵩山太室神道石闕銘
元初五年四月立。隸書。在登封中嶽廟南。

高山太室神道石闕銘 元初五年四月立。隸書。在登封中嶽廟南。東闕無文字。西闕額陽文云。中嶽泰室陽城□□□。九字三行。後畫一人三獸形。下層有字三十餘行。似篆似隸。可辨者惟延光四年字。孔子大聖字。太守字。蘋乎字。及末數行多用兮字。當是銘文餘皆剝蝕。後多畫人獸形。下復畫一魚形。此文顧炎武。褚峻皆未載。闕南面文云。曰惟中□□崇顧作嵩誤高神君。

家字或蒙

休最純春生園物寸起雲潤施原作王誤源深宣竝天四海莫不蒙恩聖朝肅

敬衆庶所尊□誠奉祀戰慄盡勤以□功德刻石紀文垂顯□異_{似留字}顧_{作以}傳後賢元初五年四月陽

城□長左馮翊萬年呂營顧王作始造作此石闕時□□□□
 穎川太守京兆杜陵朱□丞□□□□

以實
監
府
承河東臨
吏
鄉三老嚴壽

□□□□佐石副□崇高亭長蘇重時監之陽□千陵亭部陽陵格王□功副□鄉王文□潘□□□

☐之共☐☐☐☐☐☐☐☐☐☐
☐陽☐☐☐☐☐☐☐☐☐☐
☐君☐☐☐☐☐☐☐☐☐☐
☐人馬☐☐☐☐☐☐☐☐☐☐
☐人者缺左半
☐☐☐

□□□□少。共廿七行。自京兆杜陵朱已下。尤摩滅不可辨。今據打本及王澍竹雲題跋約略釋之。其

字以墨圍別之者。顧王所見。今本所無也。隸釋缺載此闕。顧炎武譏之是也。其不載開母闕。則以其篆也。洪适本不取篆書。嵩高字作崇。見漢時尙無嵩字。地理志有崑高縣。云古文以崑高爲外方山也。國語。夏之興也。融降于崇山。韋昭注。崇。崇高山也。據此知經典有作嵩或作崑。皆後人所改矣。竝天四海。卽以並爲普。並普聲相近于五音同爲羽也。故說文普以竝爲聲。徐鉉刪聲字。徐鍇繫傳本有。云傳寫誤多之。非也。地里志。崑高有太室。少室山廟。賴有此闕。以考其遺阯云。

少室神道石闕銘 篆書。在登封縣西四十里邢家鋪。

西闕額文云。少室神道之闕。六字三行。下二層。上層畫走馬人。下層畫兩螭龍。見褚峻金石圖。南面西側銘及題名文云。□葺林芝。繇日月而□□□□三月三日。郡陽城縣興治神道君丞零陵泉陵薛政五官掾陰林戶曹史憂效。監廟掾辛述。長西河。圜陽馮寶。丞漢陽冀秘俊。廷掾趙穆。戶曹史張詩。將作掾嚴。圜廟佐向猛。趙始。後畫月中兔。杵臼。詹諸。今存。下層畫蹴鞠人。凡四人。見褚峻金石圖。今摩滅。東闕題名云。□孟李陽根。仲潘除。鄭孟根。盛潘陽。□文令常。□□重令容。上二層有畫。一層畫犬。逐兔。一層畫一人牽獨角獸。鉤服一象。今存。地里志。崑高有少室山廟。唐楊炯少室山少姨廟碑云。少姨廟者。則漢書地里志。嵩高少室之廟也。其神爲婦人像。則故老相傳云。啓母塗山之妹也。卽此。圜陽不作。圜。見漢時無圜字。說文所以不載。闕字从孩。此作款。从芊。寶字从缶。今从余。漢人不拘六書如此。故秦隸行而篆學微。許叔重之功甚大。

宛令李孟初神祠碑 永興二年六月立。隸書。在南陽。

題云故宛令益州刺史南郡襄陽李^缺字孟初神祠之碑。文云^缺府除^缺郎中遷^缺史卒官^缺宛民追

思^缺更訊治立碑復祠下^缺垣宇樹木皆不^缺中大人共案文^缺永興二年六月已^缺十^缺宛^缺部勸

農賊捕掾李龍南郡^缺屋有守祠義民今聽復^缺追^缺時令琅耶開陽貴君諱^缺河南雒陽虞衍字元

缺仲興^缺漢^缺功^缺伯^缺時皆美劉^缺艾^缺戶^缺伯^缺元^缺時賊^缺掾李龍升高^缺京^缺曹掾^缺任功

賞^缺史^缺時亭長張河寧海亭^缺唐諱伯祖^缺此碑題首二行行約十五字文十三行行二十八字第

一行故宛令益州刺史云云字大三寸其文字僅半之中有穿惜半摩滅不可復辨碑新出土故前此

金石家多未及載今錄其可辨者如右蓋因李孟初官宛有德政義民因爲立祠也書法疏秀似韓仁

銘當爲唐蔡有鄰所本永興二年年字末一筆甚長過兩字于漢碑少見

開母廟石闕銘 延光二年立篆書在登封啓母廟南

闕中層文云□□□□□□□□□□^闕^母^廟^興□神道闕時太守□□朱寵丞零陵泉陵薛政五官

掾陰林戶曹史夏效監掾陳脩長西河圓陽馮寶丞漢陽冀祕俊廷掾趙穆戶曹史張詩將作掾嚴鸞

佐^{顧作}左福上中層合文云□□□□□□^軹陽百川柏鮫稱遂□□□原洪泉浩浩下民震驚□□□功

疏河寫元九山甄旅□□□文爰納漢山辛癸之間□□□人實勤斯民同心濟□□□^正杞綰□

替又遭亂秦□□^社享於茲馮神驅彼飛雉□□因庭原祥符瑞靈支挺生□□當化陰陽穆清興雲

降雨□□□□守□不歇比性乾坤福祿來彼相宥我君千秋萬祀子子孫孫表碣銘功昭眡後昆□
□□延光二年重日□□□□辟惠洋溢而溥優□□□□政勦文燿以消搖□□□□雖
皇極正而降休□□□□親芬茲楸于圃疇□□□□開木連理於芊條□□□□盛昨日新
而累熹顧作嘉誤□□□□化咸來王而會朝□□□□其清靜九域止顧作少誤其修治□□□□祈福祀聖
母庠山隅□□□□□□□□□□神□□□□□□□□格釐我后以萬祺于胥樂而罔極永歷載而保
之已上五句顧王俱錯誤蓋僅據打本耳今諦視原文訂定之其文較顧炎武金石文字記葉封嵩陽
石刻記俱多後畫月中兔杵臼詹諸形漢時篆書紕繆自秦隸既行六書之學日微此文鯨作鯢眡从
氏條从彳俱別體廣韻作鯨玉篇又有作𩺰皆後世譌字云木連理于芊條芊亦竿俗字顧炎武以爲
芊非也其文之合于古者惟德作惠用本字云則文燿以消搖不从辵按詩河上乎逍遙釋文云本又
作消搖據此文則漢時尚不从辵後人改亂經文也云九域止其修治說文止少也讀若輟不知其用
意所在廣韻屑清也止蓋屑之假音音固不必有義惟漢魏人知之
漢書武帝紀云元封元年春正月行幸緱氏詔曰朕用事華山至于中嶽見夏后啓母石應劭注啓生
而母化爲石文穎注在嵩高山下元和郡縣志云登封縣東北七里今龕中鑿石像其石漢安帝延光
三年立今崇福觀在縣北十里觀東二十步世傳爲啓母廟舊隄其石存也又按安帝紀云延光三年
潁川上言木連理今文云木連理於竿條卽其事也但紀言木連理乃在三年元和志亦言立石在三

年。今石刻作二年甚明。未知其故。又唐崔融啓母廟碑記云。顧野王輿地志。盧元明嵩記。以爲陽翟婦人。卽太平御覽引嵩高山記。昔有婦女妊身三十月。生子五歲。便入嵩高學道。神明爲母立祠。號開母祠者也。據此則非啓母。然石銘稱述柏繇及禹治水之事。其說又古。不得爲非。豈後世之事有適相合者邪。

堂谿典請雨崇高石闕銘 熹平四年立。隸書。在開母石闕下方。

前有四行。行五字。漫滅不甚明。以金石錄合之。卽堂谿典請雨崇高山銘也。文云。□時□五官中郎將。隲陵堂谿典伯并熹平四年來請雨崇高廟典大君諱協字季度。自爲郡主簿。作□銘文。後舉孝廉。西鄂長早。稭作終敍曰。於惟我君明允廣淵學兼游夏德配臧文歿而不朽。實有立言其言惟何云云。下缺。洪适隸釋。顧炎武金石文字記。俱未載此文。惟見金石錄及褚峻金石圖。按後漢書延篤傳云。少從潁川唐溪典受左氏傳。章懷太子注引先賢行狀曰。典字季度。爲西鄂長。今闕云字季度。又云舉孝廉西鄂長。卽其人也。靈帝本紀云。熹平五年四月。復崇高山名爲嵩高山。章懷太子賢注引東觀漢記曰。使中郎將堂谿典請雨。因上言改之。名爲嵩高山。卽此事矣。蔡邕傳云。熹平四年。邕乃與五官中郎將堂谿典等奏求正定六經文字。靈帝許之。章懷太子賢注引先賢行狀曰。典字子度。潁川人。爲西鄂長。又知爲潁川人。其堂作唐字之異。季度作子度者。字之壞也。當從碑作季。

聞熹長韓仁銘 熹平四年十一月立。隸書。篆額。在滎陽縣署。

碑文滿右方大半中有穿。左方有正大五年趙秉文題。又有李□題。又一行云。正大六年八月□日。奉政大夫滎陽縣令李天翼再立石。又有石匠王福名。此因碑仆重樹。非重刻也。按釋名云。銘名也。記名其功也。銘固不必有韻。褚峻言其文辭不叶於聲詩。失之矣。褚又摹勛字誤作勛。大謬。充奎。桓命。卽不奔短命。漢隸字源載逢盛碑命有悠。桓亦如此。充卽篆𠄎字之變。奎實幸字。音達。今以爲奔。漢人別字。趙秉文。金史有傳。

豫州從事尹宙碑 熹平六年四月立。隸書。篆額。在鄆陵。

碑云。尹吉甫元孫言多。世事景王。載在史典。按春秋左傳襄三十年五月癸巳。尹言多。劉穀。單蔑。甘過。鞏成。殺佞夫。卽其人也。又云。故子心騰於楊縣。致位執金吾。子心名賞。見漢書酷吏傳。碑寫襲爲襲。僂爲僂。寢爲寢。皆別字。潁川郡以水名。俱寫作潁。漢唐碑亦多似此。豈古人假借俱通邪。顧炎武斥其位不福德。福爲副字之誤。實亦假音。而非誤字。

熹平石經尙書論語殘字 光和六年立。蔡邕隸書。拓本。

漢石經尙書論語一百二十餘字。黃通守易得之京邸。或以爲孫侍郎承澤藏本。卽何氏焯云。越州石邦哲重摹者。或按隸釋所載爲政篇由誨汝知之句。多一女字。謂是熹平原刻。予不得而定之。特愛其文之有關經學也。今本尙書盤庚。石刻作般庚。丕石刻作不。論語人焉廋哉。人焉廋哉。石刻無下哉字。猶文字之小異耳。至盤庚篇不其或稽。自怒曷瘳。石刻稽作迪。怒作怨。迪進也。言不進而遷居。勝僞孔。

義多矣。爲政篇孝乎惟孝友于兄弟。石刻作孝于。攷釋文本亦作孝于。惟云一本作孝乎而已。是唐時板本尙與漢合。包咸注云。孝乎惟孝。美大孝之辭。潘岳閒居賦。引孝乎惟孝友于兄弟。亦皆讀乎。同于字雖改而意不易。未嘗以孝乎斷句也。堯曰篇簡在帝心。石刻從艸作間者。自是隸書之體。古無間字。惟詩云方秉簡兮。傳云間蘭也。釋文云若作竹下。是簡策之字耳。不知蘭字亦以東爲聲。東與簡通。古人假借何不可以簡爲之乎。予方著詩話。當引此以證詩字。今世石經之存。惟熹平此本及開成。嘉祐。宋高宗御書。意蜀石經亦有存者。而未之見。往官關中。訪開成石經于西安府儒學後舍。失去十餘石。余遍加搜剔。于積垣敗土中得之。復爲排比甲乙。覆以廊廡。遂復舊觀。以墨本恭呈乙覽。勅入天祿琳琅。今移撫中州。見嘉祐眞篆二體殘字。又得假此本以入中州金石錄。所至之處。皆與先聖遺經相值。幸得題名碑末。心竊樂之。黃君所藏金石最富。每獲宋搨本。必索予跋尾。并以屬幕中好古之士。翰墨之緣。亦一時之盛也。

永康鏡銘 永康元年正月。篆書。乾隆五十一年正月。得在開封市上。

鏡畫佛像甚工。致字在方格中。凡四字。文云。永康元年正月丙午。黃白作竟。幽凍三商。明如日月。買者富昌。高作官。立至公侯。天王日月。上有東父。式西王母。宜吉孫子。以立爲位。金石常語。孫作市。蓋子字之意。鏡徑七寸。藏于家。接鄭康成注儀禮云。日入三商爲昏。孔穎達疏。商謂商量。是漏刻之名。永康。漢桓帝年號。晉惠帝亦有之。攷晉惠永康元年正月壬戌朔。則此月無丙午也。漢桓永康元年正月乙

酉朔。則其月廿二日是丙午也。

魏

公卿將軍上尊號奏。延康元年立。隸書篆額。在許州繁城鎮。

碑載勸進之詞。裴松之注三國志有其文。按碑云。可謂信矣。著矣。□矣。裕矣。高矣。郡矣。志作可謂信矣。省矣。碑云。民命之懸於魏邦。民心之繫於魏政。志作民命之懸於魏政。俱是傳寫脫文。餘文亦稍有異。當以石刻爲正。集古錄云。唐賢多傳爲梁鵠書。今人或謂非梁鵠也。乃鍾繇書耳。未知孰是也。

受禪表。黃初元年立。隸書篆額。在許州。

碑文不載于史。水經注云。繁昌城內有三臺。時人謂之繁昌臺。前有三碑。魏文帝受禪於此。故其石銘曰。遂於繁昌築靈壇也。於後其碑六字生金。論者以爲司馬金行。故曹氏六世遷魏而事晉。卽此碑及尊號碑。靈怪之事。儒者不言。姑存此說。以明碑之奇異。或俗人聞而保護之也。劉禹錫嘉話云。王朗文。梁鵠書。鍾繇鑄字。謂之三絕。集古錄云。世傳爲梁鵠書。而顏真卿以爲鍾繇書。意當時奉詔旨刻石。必用名人書法。不出此二臣耳。漢隸字源云。碑在潁昌府臨潁縣魏文帝廟內。今爲漢獻帝廟者。後人毀斥文帝像。復爲之也。

帳構銅銘字。景初元年五月造。隸書。

銘凡三十二字。云。景初元年五月十日中尙方造。長一丈。廣六尺。澤漆平坐。帳上廣構銅重二斤十兩。

近人厲鶚曾賦七言古詩。按其器出于西京雜記云。哀王冢得石牀。方七尺。石屏風銅帳。一具。似是帳。糜朽而銅。鐫墮落。銅帳構之名。始見於此。攷古以木爲帳。謂之曰握。俗作帳。若今公府暖閣。前施帷幔。此云帳上廣構銅構之言。蓋廣之言橫。乃橫木裹銅。所以蓋帳者。西京雜記作鐫。字之俗也。

王基墓碑

景元二年四月立。隸書。在洛陽。

文云。子有成父者。出仕于齊。獲狄榮如孫湫。遠難爲萊大夫。遂缺稟天素。皓爾之質。兼苞五才。九德之茂。慈和孝友。既著於缺。景山林元。本道化致。思六經。剖判羣言。綜栝無形。文辯瞻缺。柔民忠正。足目格非。兼文武之上略。懷濟世之宏規。初缺舉孝廉。司徒辟州。輒請留目。自毗輔後。辟大將軍府。拜缺國典。惟新出爲安平。安豐太守。敷崇惠訓。典刑惟明。四缺躬目。允帝命。遷荊州刺史。揚武將軍。又遣使持節。鎮南缺穴。朱旗所麾。前無交兵。克敵獲雋。斬首萬計。賜爵關內缺。齎諸夏。震蕩王師。雲集公翼。亮缺無遺策。舉無廢功。故能野戰則飛。虞摧翼圍城。則鯨鯢缺。於九有也。比進爵常樂亭安樂卿。東武侯。增邑五千戶。缺之葬。征有獨克之威。而忠勤之性。乃心帝室。屢奏封章。缺弥留年七十二。景元二年四月辛丑。薨。公天姿高素。與缺亡則令儉。斂目時服。於是將矩奉冊。追位司空。贈目東武侯。密印綬。送以輕車介缺。泰山之速。續恨元勳之未遂。俯仰哀歎。永懷慘悴。目爲缺。策鐫石表墓。光示來裔。其辭曰。缺塞憲章。墳素昭此物。則居則利貞。在公畢力。化流二邦。缺寧民是用。息升降順道。德讓靡忒。曾不愆遺我。缺按碑近世出土。故載其全文。以續隸釋所不及。王基。陳壽魏志有傳。以碑證之多合。惟碑云遷荊州刺

史揚武將軍。史誤作楊烈。碑云。又遷使持節鎮南將軍。下缺。當是將軍云云。在克敵獲僞。賜爵關內侯。及母邱儉文。欽作亂之前。史則云。欽等已平。遷鎮南將軍。亦在擊吳。賜爵之後。未知何也。其小異者。碑云。克敵獲僞。斬首萬計。史云。隨征南王昶。擊吳虜安北將軍譚正。納降數千口。或碑有浮詞。碑云。增邑五千戶。史云。增邑千戶。并前五千七百戶。碑蓋合前舉大數言之耳。史云。基母卒。詔祕其凶問。基父喪。合葬洛陽。今碑出于。是者。知基。附父母冢。而方志缺載也。基之死。既贈官。封子孫。又賜其家奴婢。而此碑云。策鐫石表墓。則亦奉勅所立。而史缺載也。世傳碑之出土。僅刻其半。上截朱字宛然。應手而滅。本非殘缺。未知審否。三國時刻石。惟有九真太守天璽紀。功國山碑。及受禪。上尊號。封孔羨碑數種。久爲世所傳摹。邇年創見諸碑。尤多奇偉。若予在關中。訪得褒城李苞石門題字。孫孝廉星衍游句容。訪得吳衡陽太守葛祚碑。及此皆金石家所未著錄。足與史傳發明。殊可寶也。碑字波畫分明。唐以前石墨。無能與之匹者。葛祚碑。遂爲楷書碑刻之祖。亦稱二絕云。

晉

鏡銘 太康元年造。篆書。儀封河上所出。

鏡字摩滅。惟年號及宜子等數字可辨。今藏黃通守易家。

太公呂望表 太康十年三月立。隸書。隸額。在汲縣。

董道廣川書跋。載此碑。今碑僅存半截。隸額云。齊太公呂望表。文有齊太公呂望者。此縣人云云。卽穆

子容碑前所錄也。董道所載文多錯誤。賴碑存以證之。水經注云。汲縣故汲郡治。城北三十里有太公泉。泉上又有太公廟。廟側高林秀木。翹楚競茂。相傳云太公之故居也。晉太康中。范陽盧無忌爲汲令。立碑于其上。今此碑云來爲汲令。蓋卽無忌碑也。後缺年月。以穆子容碑載有晉太康十年三月丙寅朔十九日甲申。盧無忌依舊修造云云知之。

劉府君墓志 隸書。在偃師武進士億家。

題云。晉故使持節都督青徐諸軍事征東將軍軍司關中侯劉府君之墓。君諱輅。字泰伯。叔考處士君之元子也。夫人沛國蔡氏。凡四十七字。關中侯出魏書。云侯爵十八級。關中侯爵十七級。關內外侯十六級者是也。

魏

始平公造像記 太和二年九月刻。正書。陽文。在洛陽。

額云。始平公造像一區。區字不从土。知元寧作堰者。俗字也。碑寫啓爲啟。渴爲渴。冢爲□。棘爲棘。皆別字。字之變體莫甚于六朝。故備論之也。

孫秋生等造象記 太和七年刻。孟廣達文。蕭顯慶正書。在洛陽伊闕。

上截孫秋生等一百人記。下截列唯郡程道起等名。末又有景明三年五月造字樣。其文寫顯爲顯者。省字。猶濕作潔也。寫葩爲葩。知今俗所傳花字。乃此字之行草。以爲華字異文。去之甚遠。文選琴賦。李

善注引郭璞曰。葩爲古花字。後漢書張衡傳。思元賦。太子賢注引張揖字詁曰。葩古花字也。是古人已言之。亦足爲證。條作據。標作標。鼓从皮。見加現。皆其至謬者。

楊大眼爲孝文造象記 正書有額在洛陽。

大眼。武都氐難當之孫。魏書有傳。碑云。輔國將軍直閣將軍□□□梁州大中正安戎縣開國子官與史合。史惟不及梁州大中正。及安戎爲安成傳寫之誤耳。碑云。彰王衢於三紛。掃雲魴於天路。寫清爲彰。鯨爲魴。皆別字。又云。南穢旣登。震饑歸關。饑卽旅字。其寫含爲哈。稟爲稟。覽爲覽。矚爲矚。功爲功。皆別字。未有武字。似下有年號。未了。

華州刺史安定王變造石窟像記 永平四年十月刻。正書。在洛陽。

記云。假節督華州諸軍事征虜將軍華州刺史安定王。仰爲亡祖親大妃。亡先太傅靜王。亡妃蔣妃。敬造石窟一軀。魏書安定王休傳云。蠕蠕犯塞。出爲使持節征北大將軍撫冥鎮大將。休身先將士。擊虜退之。入爲內都官。遷太傅。及開建五等。食邑二千戶。薨諡曰靖王。卽此所謂太傅靜王也。靖靜同字。傳又云。次子變。除下大夫。世宗初。襲拜大中大夫。除征虜將軍華州刺史。卽造像人。官爵悉合。史無假節督華州諸軍事。乃其疏。記文皇魏字從委。嵬聲。與古文合。俗皆省山。又云。依巖裏字。以復爲抱。亦用古字。惟字作字。謬甚。

蔡太陽守元寧造象記 孝昌二年正月刻。正書。在滎陽。